

丽江文史资料

第六辑



丽江市政协文史资料委员会 编

丽江文史资料

第六辑

丽江市政协文史资料委员会

一九八八年十二月

目 录

纳西族史料汇编(续)·····	选自《纳西族社会历史调查》	1
丽江之新印刷事业·····	选自《丽江教育史资料》	69
丽江民众教育馆书报部简况·····	选自《丽江教育史资料》	71
丽江轶闻七则·····	和汝恭	74
从前的丽江市场·····		74
刻版印刷·····		78
过去的丽江水利·····		80
瘟疫追述·····		82
工业人员训练·····		84
风俗改良会·····		86
较早的运动会·····		87
丽江造纸·····	李瑞泉 杨杰升	89
民国初期的丽江县实业概况·····	段松廷	93
黄山公园兴建始末·····	段松廷	97
纳西族高僧正修和尚·····	夫 巴	101
李毓山先生事略·····	王丕震	109
李耀商 李耀箕事略·····	李耀心	118
周霖老师在纳西剧团·····	曾广鑫	122
纳西族的祭天活动·····	和发源	125
东园白塔·····	和心友	144
金山寺·····	和汝恭	147
龙泉寺·····	杨沛诚	148

纳西族史料汇编（续）

选自《纳西族社会历史调查》

2、经 济

志云卫南十里柏林山，山多松柏，其绿参天，柏与府之名取此，西三十里有斛焚和山，产金为利卖，杨勒蛮所居，隋唐之世于此置金州焉。

《天下郡国利病书》卷68

语云，金生丽水，今丽江其地也。其江曰金沙，……江浒况沙泥，金麸杂之，贫民淘而锻焉，日仅分文，售蜀贾，转四方，其税属之土府，汉不有也。朝廷岁责滇赋金五千，其值可四万缗，皆蜀估有力者，先期受值于官，而走四方，远夷人之间。

《滇略》卷3

博物志补云，丽江府产金尤多，每雨后，其金散拾如豆，如枣，大者如拳，破之，中空有水，亦有包石子者。

《滇略》卷3

丽江之金，不止沙中又有瓜子羊头等金，大或如指，产山

谷中，先以牛犁之，俟雨后即出，夷人拾之，纳于土官，然近亦绝无矣。

《滇略》卷3

嘉靖五年，议开金沙江不成。

《滇云历年传》卷3

清溪（丽江军民府通安州）：有二处，一出吴烈山麓，过于州治之前，一出雪山之下，至东员里二溪合流，民引之灌溉田亩，其利甚博。

景泰《云南图经》卷5

寰宇记云，定箘民取井水先积薪，以火热，过以水浇灰即成黑盐炼之。

《天下郡国利病书》卷68四川4

盐源县环绕皆山，依山为城，护城无壕，以无水也，城内无井，闻前有凿井者，三丈不及泉，遂中止，东北有池塘田官塘，千户烟火日用饮食之需，皆于此取资焉。问其源则远甚，城之东三十里有小高山焉，山水泉，迂回曲折，引之于沟，盛之以枧，灌之以连筒，入城东北而灌于此塘者也。年岁既久，污泥日深，灾天暑热，秽浊不洁，难免杯水车薪之喻。

盐源县城池改修纪知县欧阳衍

《盐源县志》艺文志二，引欧阳衍文

……盐邑山丛岭积，半皆硃确之区，其稼多莽菽，故恒仰食于转输，近年力穡者多亦既土七而田三矣，田虽瘠而勤于培壅，故恒有年，火耕者亦殚力赴时以足一年之食，大抵熙然，

顺则有含哺鼓腹风，而河西之农，播种则媪妇助耕，登场则耕夫行贩，尤为勤俭之俗，云。……

邑之饘，不足以有商，商之来也以布帛，商之往也以药物，他如蘑菰，杉板，近亦寥寥，趁墟近市之流，大都逐什一之利以温饱，其家无馔饔之黠也。

《盐源县志》风俗条

（丽江军民府，兰州）井泉：盐井有六处，曰二贝井，在汤甸上，曰上，曰欠井，曰下，曰欠井，曰罗摩村，曰温泉井，曰伍井，俱在雪盘山西南，其卤皆咸，煮为盐，纳课。

景泰《云南图经》卷5

（丽江军民府兰州）盐块：土人煮卤为之，大者重一斤十两，小者重一斤，交易皆用之。

景泰《云南图经》卷5

毡、盐、金（金沙江出，所谓金生丽水者也）铁、麝香、琥珀、林檎、园根（即蔓菁俱府境出）滑石，松子（巨津州出产）无芒麦（即小麦结秀时无芒而实园，宝山州出）

正德《云南志》卷11

牦牛：形如黄牛，其毛或黑或白，土人以之为帽，或以为纓，但粗而短，其野西番所产者，则细而长也。

景泰《云南图经》卷4

牦牛：刺次和、香罗、瓦鲁之三长官司出，形如黄牛，其毛或黑或白，可为帽为纓，但粗而短，其野西番所出者，则细而长。

正德《云南志》卷8

金、铜、盐：府境出

正德《云南志》卷8

雪蛆产丽江之雪山，形如竹鼠卵，土人于积雪中而得，曝食之，云愈心腹热疾，间有脯至鹤庆鬻者，然不恒有也。

《滇略》卷3

山南志曰，卫东北百八十里，打冲河索桥两山壁立，水势汹涌……盖由索桥之险难通，粮运不及，是以皆转徙而之河西矣，迄今聚为室家，享成世业，计屯田千二百一十八分有奇，而附城之屯，所出不过豆麦而已，泸州一带驼运，入盐井必经索桥，约路二百八十余里。

《天下郡国利病书》卷68四川4

黄瓜北四亭达江边，金沙北渡有三，一由宾川渡江至北胜、蒗蕨，可通盐井卫地，属番夷，不可行，一由大姚县鱼间渡至黎溪，一即此江水驶奔挽舟里许，乃横舟乱流而济，江北无居民，惟南岸有巡检司傍而居者百余家。

《天下郡国利病书》卷108云南

（顺治十八年）今北胜开市，其需用茶斤或本省采买或别省采买，应否照西宁例，请敕该藩酌议。三桂又上言：“北胜不通江道，远省商贾必不愿来，至本省普洱地方，产茶不多，别省采买，则肩担背负，跋涉万山，为数有限，难以比照西宁。

《庭闻录》

（顺治十八年）三月朔，北胜边外达赖喇嘛干都台吉，以云南平定，遣使邓几墨勒根，斋方物及西番蒙古译文四通入贺，三桂求于北胜州互市茶马。三桂以闻，部议：北胜州无开市之例，但滇省初辟，时事不同，清敕该藩酌议。

《庭闻录》

（康熙六年）五月，蒙古干都台吉遣人至北胜州，乞赴滇省通商。

《庭闻录》

金沙江渡在阿喜讯江外，即中甸，向属内地，自康熙十六年吴三桂求援于蒙古，割中甸地赂之，遂为外地，不通商旅。迨二十七年，达赖喇嘛求互市于金沙江，总督范承勋以金沙江属内地，奏请于中甸互市，遂设渡通商贸易，凡出口者给照票验放，为内外要关，以鹤丽三营守备轮防。

《古今图书集成》卷1505

（洪武）二十年平浪穹蛮，奉诏自永宁至大理，六十里设一堡，留军屯戍。

《明史》卷126

定疆以杜强暴，晋楚之兵起于争桑，虞芮之讼，起于攘田，自古而然，况分土民在土司犹有一定之利者，迨年以来强者以力，富者以财，取诸彼以与此，盖不持一、二然者。姑以丽江言之，丽江古土蕃之境，与鹤庆为邻，其地产金，不生五谷，彼其安然，间或要约而莫救越者有以也，年年来倍加厚殖，日市剑川县内夷田与其民田，夷与民狙于日前之利，忘其世守之业，于是丽江之辖駸駸出疆界之外，而其他占而有之者不与焉。木大必折，尾大不掉，异日能不费区昼戡，夫土司之疆，朝廷之分疆也，彼不得盈，此不得缩，乞请严为限制。

《滇系》卷18引《敷陈未议以备采择疏》

出为云南付使……且厘还所侵丽江民地。

《明史》卷203

……调补盐源县分司阿所拉巡检，所管也方辽阔，向例差役以千计，每票签出輒群往借势勒索，或不满其欲，反诬以殴打公役，因而激成巨案，致有未登讯而破产者……

光绪《鹤庆州志》卷26，寸联级宦绩

《问民》：

姬泣桑株下，翁癯破板门，疮痍何日愈，俛首不能言。

木雪山《雪山始音》卷下

《秋行谋统》：

谋统川流泄样工，民年肆业且多穷，秋林叶尽空巢露，晚径人稀废宅通，屋敝黄茅哀寡妪，门癯白版卧孱翁，此来南地荒凉甚，归马长鸣瑟瑟风。

木雪山《万松吟卷》

《游谋统》：

轻鞭匹马堪惆怅，短札青囊懒去归，夕岸柳疏黄叶落，秋江浪尽白鸥飞，心愁野宅荒无主，眼见民夫色有饥，到处也能杯酒乐，醉余回首故山微。

木雪山《雪山始音》

《博南谣》：澜沧自失姜兵备，白日公然劫行李。博南行商丛怨歌，黄金失手泪滂沱，铁索箐边高嵯峨，金沙江头足风波，为客从来辛苦多，嗟尔行商奈若何。

光绪《姚州志》卷10，杨慎

（康熙）六年三月奏：蒙古干都台吉聚兵丽江北胜，请移兵捍御。闰四月，诏圈拨云南府属州县卫所，给平西藩下兵丁口粮。圈地之役，百姓例应他徙开垦。明年，巡抚袁懋功奏称：滇土极薄，百姓极贫，今一旦驱往别境，穷困艰难，不可尽状，请令其佃种原田，照业主例纳租，免其迁移。疏上，报可。

《庭闻录》

圣纶按……云贵土官中门甚低，出入必俯首，出武侯遣制，欲其敬朝廷也……余观滇黔土司，其富者栋宇恢宏，俨然与公廨相埒。

《滇黔志略》卷14

(木氏)富有一方,僭拟王侯,崇奉佛教,所有营建寺庙极其华丽,有藏经楼贮藏经,全部经文皆楷书所缮……所谓藏经阁者,巍然在也,阁之下堂宇极宏敞,今为元旦圣贺节朝之所。明嘉、隆间,木氏有名增者,屡立战功,赐藩司衔,给冠带,颇通文墨,喜吟咏。

《滇南闻见录》上卷

成化庚子,五月内,云南丽江军民府巨津州白石云山,约长四百余丈,距金沙江二里许,一日忽然山裂,中分其一半,走移于金沙江中,与两岸云山相倚,山上木石依然不动,江水壅塞逆流,没田苗,荡析民居,知府县申上司镇守大监官等,以闻诸朝,云南屡有边报,此山之兆也。

《滇略》卷10

又海尾岁,七、八月为淫潦冲塞,水涨没民田万余顷,公躬督乡民大疏,通之,民用乐利……

明陈重 越公去思祠记《丽郡诗文徵》卷5

(正德六年)楚雄北胜州,地震,有声自西北来,城顷西北隅,坏民居千余所。

《滇云历年传》卷7

(正德九年)鹤庆、丽江大疫,死者不可胜计。

《滇云历年传》卷7

(邛都县)嘉靖十五年二月二十八日丑时,建昌宁番二卫地震如雷吼者数阵司及二卫公署内外民居城垣一时俱塌,压死都指挥一人、指挥二人、千夫长四人、百夫长一人、所镇抚一人、吏三人、土夫一人、太学生一人、土官土妇各一人,军民夷獠不计,水涌地裂,陷下四、五尺,卫城外城内若浮块而

已，震至次月初六日，犹不休，陷河之说殆是实照。

《天下郡国利病书》卷68四川 4

而天灾流行，淫雨为虐，登城一望，四野沮洳，期以安民，而民未必安也。

雍正《云龙州志》卷12

（永宁府）户：一千五十一。口：二万二千二百六十一。

正德《云南志》卷 8

（丽江军民府）户：二千三百二十八。

口：五万七千七百一十三。

田粮：

田，官民田地三百一十八顷一十六亩八分。粮，夏税小麦正耗一千六百三十九石五斗六升六合，秋粮米正耗七百七十六石四斗零六合六勺。

正德《云南志》卷11

（洪武十五年，1382）

置黑盐井盐课提举司……丽江兰州井盐课司。

《滇云历年传》卷 8

（洪武）二十六年十月，西平侯沐春奏，丽江土民每岁输白金七百六十两，皆么些洞所产，民以马易金，不谙真伪，请令以马代输，从之。

《明史》卷314

正统中，丽江府土民岁输白金七百二十两。

《学庵类稿》

丽江府《赋役》

户口：户，二千三百二十八，口，五万七千七百一十三。

田赋：官民田，三百一十八顷十六亩八分。

夏税，一千六百三十九石五斗六升六合六勺（起运布政司库折包一千三十九石六斗六升六合六勺，存留州仓本色六百石。

秋粮：七百七十四石一斗三升六勺（俱系折色递年起运布政司库）。

课程：盐课，六十九引一百九十六斤。

酒课：米六石六斗六升。

差发：米一百六十六石一斗六升二合五勺。（花斑竹）银百两，（马）三十一匹。

民役：均徭，本府并所属俱系夷方，原无审编均徭，凡遇除授流官于各夷民徵办。

铺兵：本府，各铺司兵共九名。

李修《云南通志》卷6

永宁府 赋役

户口：户一三五四，口二万二千二百六十一。

课程：酒课银二钱。

差发：（花斑竹）银二十七两，马五匹。

民役：均徭，本府系夷方原无审编，均徭额徵银七十二两，夷民自行应办。站役，本府（协济清水驿站马二匹，铺陈二副。

李修《云南通志》卷6

马刺……授职世官，旧部落仍俾统官，赋本卫秋粮百二十石。

《天下郡国利病书》卷68四川4

丽江府

户口：户三千三百零二，口五万三百三十九，万历四十七年新附降夷一千一十九名。

田賦：官名田土共三百一十七頃八十五畝八分，夏稅額徵一千六百三十九石五斗六升六合六勺，起運布政司庫折色八百三十九石五斗六升六合六勺，存留本府共折八百石，石，秋糧額征七百七十四石一斗三升六合，俱起運布政司，萬曆四十七年（1619）內新附降夷認納大麥二千二百梆，該二十二石留給守寨兵夫。

差管：花斑竹銀一百兩，馬三十一匹，每匹折銀七兩，共銀二百一十七兩，米折銀一百一十六兩三錢一分三厘七毫五絲。萬曆四十七年（1619年）內新附降夷認納厘牛四十只，折銀八十一兩五錢二分。

民役：本府并屬夷民，原無審編，除歲辦左布政柴新一名，該銀十二兩外，凡遇除授府州流官于各夷民徵辦員缺則止。

鋪兵各鋪共十四名，系夷民永充。

弓兵六十二名，系夷民金充。

蕨萁州

戶口：戶三百九十四，口一万九千四百一十七。

稅糧無。

天啓《滇志》卷6

昔太祖統一海內，旋定西蜀，改建南為五衛，并添置續裁前衛，共六衛，原指揮八十五員千戶鎮撫七百六十八員，此官額也。衛所城操并撥守屯堡兵共官軍五萬八千余名，此軍額也。本邊軍餉惟是建會二衛僅足取于本地屯糧，至寧、鹽、越三衛并晃山鎮西打冲四千戶所官軍三萬一千五百零八名，俱六個月取給于內州縣民糧，據先署監理同知赫奕譚天柏冊板，每歲額請內地協濟論每米一石折銀八錢，以鹽井論每米一石折銀九

钱，即令三卫四所每岁六个月尚仰给于藩库，可改也。此饷额也，以国家勘定之，先年本边全胜之物力，故五卫八所之长，皆足以敌蛮势而制其死命，岂非坐收胜算哉。二百年来，边备日弛，蛮害日惨，官军日耗，屯堡日虚，迄今查五卫八所指麾千百户镇抚，止一百四十三员矣，卫所各军甫亡殆尽，今止幸存五千二百四十九名矣，当事者不为设法勾补以为本边筹桑土之计，且举本边协济额粮陆续尽移于松番等边，以博节省之名，彼百十寨互，更何所惮，而安得不貽濒年之劫杀乎，顾久移之饷，无望再复，而当全蜀连岁兵燹之扰，阊阖之困已报，又岂堪派景兹幸善后以来仰遵宪令又优藩臬，同心百计，措处一留原题建南合营标兵岁额饷二万三千二百一十二两一督令五卫官军开垦积年荒屯，岁抵饷银一万二千四百二十五两零，督令营堡目兵开垦一带荒地收租，岁抵饷银三千八百三十二两零，清理历年各卫民粮余剩脚价等项岁抵饷银二千六百六两零，以上共留兵四千六百八十名，岁该饷银四万一千九百七十七两零，并旧防兵四千二百零四名，岁额饷银三万八千三百一十五两零，岁共八万零二百九十两有奇、合之五卫八所见在城操官军五千二百四十九名，总共军兵一万四千一百三十三名，比之当日，额军五万八千余名，尚不及十分之三，查自大渡河起至金沙江止，计修旧营五十六处，增新营七十七处，共一百三十三营五十六处，增新营七十七处，共一百三十三营，堡皆经本道冒瘴涉险相度形势缓急定为额兵以扼各寨之吭，今幸五年于兹，三千余里，在在有备，在在皆有额饷，似亦可为善后之一助，然非籍宪示难以垂久也。图业集成方輿汇编职方典卷六四二建昌五卫部。

明邓思启《乞查边额以庄藩篱》

(十年辛亥)巡抚李天浴题请豁免中甸等处无徵米麦，从之，丽江土府，元明时俱资以障蔽蒙蕃，后日渐强盛，于金沙江外则中甸里塘巴塘等处，江内则喇普处旧阿墩子等处，直至江卡三巴东束卡皆其自用，兵力所辟，蒙蕃长而尊之，曰萨当汉，地既广远，因于原额米麦地亩银两处，认纳条编银十百三十两一钱。康熙四年，蒙番出犯侵据中甸等处。吴三桂归罪木懿，羁管省城，所有中甸等处额徵米一百四石六斗八升零麦四百五十八石五斗一升零。令懿子木靖赔补，至是，巡抚始请豁免。

《滇云历年传》卷11

(康熙)十一年壬子，吴三桂将金沙江以内喇普等处地方割据蒙番，以塔城关为界，三桂意有所存，仍恐蒙番为害，于是割与江内诸地，结其欢心，所有额徵秋粮二百石，编银六十六两四钱三分，仍令丽江土官赔纳。

《滇云历年传》卷11

康熙二十七年，上谕云南百姓供亿王师运送劳瘁，著将二十一年至二十七年所欠屯赋银粮及米麦等项尽行蠲免。

光绪《丽江府志》卷3

雍正十三年钦奉上谕，数年以后，云南地方屡有兵筹调之事，民力挽输，未免劳顿。将本年通省地丁钱粮全蠲免。

光绪《丽江府志》卷3

乾隆三十一年奉上谕嗣后滇省山头地角水滨河尾俱著听民耕种豁免升科。

光绪《丽江府志》卷3

乾隆三十二年奉上谕近因緬匪兹扰，所有云南省应徵地丁钱粮，其大兵经过之地及永昌、腾越、普洱三府州著全行蠲

免。

光绪《丽江府志》卷3

……十月《康熙五十九年》又言成都驻防满兵需米甚多，
请令近水濒省州县应收折色者，改本色运省充饷。

《清史列传》卷13《年羹尧传》

古柏树土千户，四至共340里，番民586户，年纳莽粮26石。

中所土千户，四至共575里，番民485户，莽粮19石。

所土千户，四至共670里，番民525户，莽粮70石。

左右所土千户，四至共570里，番民595户，莽粮20石。

前所土百户，四至共150里，夷民65户，莽粮一石六升八斗。

后所土百户，四至共225里，夷民75户，莽粮四斗二升。

嘉庆《四川通志》卷97

盐源县43986户，189124人。

宁蒗设治局2700户。

中甸县 6338户，31680人。

维西县 8100户。

德钦设治局2000户。

贡山设治局2100户。

边地各县一切徵派，例皆以户为单位……虽非正确，但以
国境以内，九百公里之沿线各县，仅共有人烟十八万三千余
户，不得不谓为稀少也。

《中印通路经济地理调查》

（转自《永昌府文徵》卷40）

3、文 化 习 俗

摩些，乌蛮别种，性淳朴，乌音。男雉发戴帽，长领布衣，女高髻或戴黑漆尖帽，短衣长裙。畜牛羊，产麝香，同类仇杀，妇女登场一劝即止。岁暮杀牛羊相邀，一客不至为耻，今有读书入泮者。

《南诏野史》下卷

丽江军民府……俗甚俭约。境内摩些蛮独多，……。男子头绾二髻，傍剃其发，名为三搭头。妇女结高髻于顶前，衣服只用麻布，饮食疏薄。一岁所食，园根丰之。园根即蔓菁也。贫家食盐之外，不知别味，其气息与居澜沧者大抵相同。

景泰《云南图经》卷5

丽江军民府风俗：……不事神佛；摩些蛮，不事神佛，惟每岁正月五日，具猪羊酒饭，极其严洁，登山祭天以祈丰穰灾。祭毕，男女百数，执手圆旋，歌舞为乐。

景泰《云南图经》卷5

丽江军民府，风俗……俗不羶泽；丽江军民府（同上，摩些蛮与施蛮皆乌蛮种，俗不羶泽，好饮酒歌舞）善骑射，最勇厉（旧志）俗甚俭约（境内摩些蛮独多，……，男子头绾二髻，傍剃其发，名曰三搭头，妇人结高髻于顶前，衣服止用麻布，饮食味薄，一岁所食，园根丰之，园根者即蔓菁也，贫家食盐之外，不知别味，其气习与居澜沧江者大抵相同矣。）不事神佛，麽西蛮不事神佛惟每岁正月五日，具猪羊酒饭，极其严洁，登山祭天，以祈丰穰灾。祭毕男女数百，执手圆旋，歌舞为乐。焚骨不葬（麽些蛮死者无棺槨以竹簣舁至山下，贵贱一所焚之，不收其骨，候冬择日，走马至焚所，用毡覆地，呼